



Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

XXVIII. Decembris.

[urn:nbn:de:hbz:466:1-50916](#)

filius tuus, prodigus quidem, sed tu benedic per magnam misericordiam tuam illi. O Sanctissima Dei, &c. fol. 190.

Ad quod impetrandum: Oratus hodie rosarium semper ad Ave Maria dicam, Maria Mater Dei, Joannis, & mea gratia plena &c.

Ave humani generis Mater, ave terrigenae sum omnium oblectamentum, ave fons gratiae & totius consolationis. S. Ephr.

Quæstio: An Joannes à Jesu, an à Maria plus dilectus?

XXVIII. DECEMBERIS.

S. Franciscus Salesius Episcopus, juvenis semper corollam Deiparæ publicè gestavit, quam quotidie, sæpe spatio unius horæ impenso, oravit; effrontem fœminæ blandientis vultum conspuit; hunc de prædestinatione anxium Dei Mater est consolata. Orans coram ea cor suum in ara velut victimam depositum. Vita. Hoc solum dignum est Mariæ munus.

S. Francisce, in cuius pectore cor Seraphini absconditum, pio ingenio, per suspiria se prodidit, exerce in me charitatem, ora pro me Deiparam, ut sanctam & salutarem de salute mea sollicitudinem mihi injiciat, ut negotium hoc omnium maximum cuncte tractem, cui soli periculum subest immedicable. O Sanctissima Dei, &c. fol. 190.

Ad quod impetrandum: Licet me non salvandum scirem, intensius tamen adhuc Mariam amare proponerem.

Maria Paradysus est voluptatis , quem
Deus omnibus gratiae delitiis cumulavit ? S.
Petr. Dam.

Quæstio : Quali die hebdomadæ Christum
Deipara peperit ? v. Barr. tr. i. c. 10.

XXIX. DECEMBERIS.

S. Thomas Archiepiscopus Cantuariensis ;
adhuc adolescens à Deipara capsulam do-
no accepit , in qua casula inclusa fuit : alias
eum in reficiendo cilicio , quod longo usu
attriverat, juvit. Dum quotidie 7. ejus gaudia
totidem orationibus colebat , à Deipara didi-
cit ea gaudia quoque colenda esse , quæ nunc
in cœlo habet, suamque hoc præstituris opem
est pollicita. *Vita. Juxta meriti quantitatem ibi*
gaudia mensurantur.

S. Thoma tantis à Deipara favoribus præ-
vente, ora pro me , ut carnem meam spiritui
subjicere , sensualitati mortificatione contrai-
re discam , ut spiritus dominetur nunc cor-
pori, sicutque æternam triumphet in cœlis. O
Sanctissima Dei, &c. fol. 190.

Ad quod impetrandum : 7. Ave Maria , in
eorum quæ in terra habuit , & totidem in eo-
rum quæ nunc in cœlo Deipara habet, gaudio-
rum memoriam dicam.

Hæc Regina misericordiæ est. Dominæ
mundi, Regina cœlorum , lumen cœcorum.
Justorum gloria, peccatorum venia , despera-
torum reparatio, salus orbis. S. Bern. c. in Salv.
Reg.

Quæ